

TARIKH: 25/9/23  
SURAT KHABAR: Sinar Harian  
MUKA SURAT: 21

## MSU peneraju pembangunan pendidikan TVET Malaysia

**M**anagement and Science University (MSU) berjaya mencipta sejarah dalam pembangunan pendidikan tinggi di negara ini apabila dinobatkan sebagai Universiti Terbaik Malaysia bagi kategori pendidikan TVET (Pendidikan dan Latihan Teknikal dan Vokasional).

Kejayaan membanggakan itu diperoleh MSU sempena majlis Anugerah Malaysia Education & TVET 2023 (META 2023) yang berlangsung di Kuala Lumpur pada Khamis anjuran penerbitan Education TVET Asia.

Anugerah tersebut disampaikan oleh Timbalan Menteri Sumber Manusia, Mustapha Sakmud yang diterima oleh Presiden MSU, Profesor Tan Sri Dr Mohd Shukri Ab Yajid dan disaksikan Pengerusi Koperasi Pendidikan Swasta Malaysia Berhad, Datuk R. Rajendran serta Editor Pengurusan Education TVET Asia, Lee Seng Chee.

MSU dalam satu kenyataan memaklumkan, kejayaan berprestij itu



telah meletakkan universiti itu sebagai peneraju dalam pendidikan TVET di Malaysia dan juga di peringkat global.

"Kejayaan ini hasil daripada komitmen MSU yang telah melaksanakan pelbagai strategi inovatif dengan menekankan elemen TVET dalam silibus pelbagai program pengajian yang disediakan," jelas

kenyataan universiti itu yang dikeluarkan di sini, pada Jumaat.

Menurut MSU lagi, pencapaian yang turut dikongsi seluruh warga universiti tersebut merupakan kesinambungan daripada pengiktirafan Accreditation Services for International Schools, Colleges and Universities (ASIC), United

Mustapha (dua dari kiri) menyerahkan anugerah Universiti Terbaik (Pendidikan TVET) kepada Mohd Shukri sempena Malaysia Education & TVET 2023 (META 2023) yang berlangsung di Mandarin Oriental, Kuala Lumpur pada Khamis.

Kingdom yang telah menganugerahkan MSU sebagai "Global TVET Model University dan Outstanding Leadership in International TVET Education" pada tahun 2018.

META 2023 yang merupakan edisi kedua diadakan bagi mengiktiraf peranan serta sumbangan organisasi dan individu dalam memperkasakan program pendidikan TVET di Malaysia.

Antara organisasi dan individu yang terlibat meliputi institusi pendidikan tinggi, pusat latihan, pusat bahasa, pusat kemahiran dan vokasional, pusat Pendidikan awal kanak-kanak, pendidik dan penyedia perkhidmatan TVET, usahawan, personaliti dan tokoh TVET, pengarang dan penerbit serta lain-lain lagi.

Penerima anugerah pengiktirafan META 2023 dinilai berdasarkan kriteria seperti kepimpinan, produktiviti, inovatif, kelestarian, kecemerlangan jenama, kecemerlangan perkhidmatan dan produk serta kecemerlangan start-up baharu. **SE**



# HARI

Dari 9pg - 6ptg

# TERBUKA

BIASISWA  
DISEDIAKAN\*

PERCUMA  
Yuran Pendaftaran\*

\*mengikut terma & syarat



Sila Hubungi: Tel : 03 5521 6868  
Email : enquiry@msu.edu.my

f @ ▶ MSUMalaysia  
www.msu.edu.my

MANAGEMENT & SCIENCE UNIVERSITY (MSU) DU019(B)  
University Drive, Off Persiaran Olahraga, Section 13, 40100 Shah Alam,  
Selangor Darul Ehsan, Malaysia.